

Lilo, 8j.



## suechet äs nöiis Daheime mit Freigang

Hoi Du,

ja DU, bisch Du min nöie Mönsch? Nach Dir suech ig! Warum? I mineri Familie het öppr e schtarchi Chatzeallergie entwickelt u drum bin ig zu enere Fründin züglet. Isch tou hier, ganz viili schtriichelnde Händ, nur: ig cha hier nid usse u ig vermissee min Freigang scho sähr. Ig sueche eifach was für usse. Drum!

Ig bi 8jährig, kaschtriert, nid gimpft (das muess mer no nachhoue), chippet, schtuberein, nöiigiirig u uchompliziert, ganz ganz e Liebi. Ig bi gsung, ig ha nur es trübs Äugli. Du siehst es, isch abr nid schlimm. Isch ok, seit dr Doc, muess mer nüt mache, mi schtört's ou nid. Mini Hobbies sy Schmüsele u gschtriichelet Wärd u eifach lieb sy. Ig bi ganz e liebevoue Muus. Nei, ig bi doch e Chatz, obwou: mängisch dank ig ou, ig wär e Hung. Ig liebe Hüng übr aues. Villiicht war bi mir doch e Hung e Vorfahr, wer weiss? Drum wär's ou tou, wiedr mit'm Hung zämmewohne z'dürfe. Isch cheis Muess, wär abr tou. Ching u Chatz dagäge wott ig nid im nöie Daheime. U Schpiue isch ou nid so Mis, ig geh liebr fürusse u tobe mi dört us.

Ig sueche itze liebi Lüüt, bi dene ig aus Chatz d'Nr. 1 dörfti sy u di wo mi vergöttere, so wie ig sy. En ruhige Huushaut, wo oft öpper da isch für mi, zum Schmüsele. Uf min Freigang i verchersarmer Umgäbig beschteh ig auerdings, ig muess usse, muess nach em Rächte luege. Ortsrand wär perfekt, verchersberuhigt, mit Gärte, Wiese, Fäudr. Das isch mini Wäut. Es Chatzetörli wär tou, denn chan ig usse u inne, wann u wie ig wott. Odr wusch Du immr Türliöffner schpiue für mi? Ebe, säg ig doch.

Was meinsch Du, chasch Du mir so öppis biete? Suechsch Du es liebs Büsi zum Verwöhne? Bisch Du villiicht pensioniert odr susch eifach oft dihei? Möchtisch Du min Mönsch sy u mi uf Läbänsziit verwöhne? U hesch Du Di grad i mi verguckt? Das wär's! Denn müeset mir üs unbedingt lehre chenne. Ig wohne im Moment no z'Fehraltorf/ZH, züglet aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöie Plätzli. Wenn chommsch Du mi bsueche?

Dini Lilo



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch